

2020թվականի փետրվարի 5-ին ժամը 14⁰⁰–ին կայացավ ՀՀ Արմավիրի մարզի Ծաղկալանջ համայնքի անդամների ընդհանուր ժողով

Ժողովին մասնակցում էր ՀՀ Արմավիրի մարզի մարզպետարանի քաղաքաշինության վարչության պետի տեղակալ՝ Համլետ Կուրդինյանը: Համայնքի անդամներից ներկա էին 50 բնակիչներ, դպրոցի տնօրենը, համայնքապետարանի աշխատակիցներ և ավագանու անդամների 7-ից 6-ը:

Հ Ա Շ Վ Ե Տ Վ ՈՒ Թ Յ ՈՒ Ն

ՀՀ Արմավիրի մարզի Ծաղկալանջ համայնքի ղեկավարի և ավագանու կողմից 2019 թվականի կատարած աշխատանքների մասին

Ձեկ. Համայնքի ղեկավար՝ Մ.Մկրտչյան

Հարգելի Ծաղկալանջ համայնքի բնակիչներ, հյուրեր. Ձեզ են ներկայացնում 2019 թվականի ընթացքում համայնքապետարանի և ավագանու կողմից կատարած աշխատանքների հաշվետվությունը:

2019 թվականի ընթացքում համայնքապետարանը և ավագանին իր գործունեությունը իրականացրել է 2019 թվականին կազմած աշխատանքային ծրագրին համապատասխան՝ ըստ բնագավառների: Բարելավել ենք հանդամիջյան ճանապարհները, խողովակներ են տեղադրվել ճանապարհը հատող ջրատար առուների վրա, նախագիծ նախահաշիվ է կազմվել համայնքի խմելու ջրի ներքին ցանցի վերանորոգման համար:

Ամիսը 4 անգամ կատարվել է աղբաթափություն, որի համար հատկացվել է 996.000 դրամ գումար: Վերանորոգվել է 8-րդ և 9-րդ փողոցները և նշված փողոցների սկզբնամասը միացնող հատվածը: Խճապատվել է 11-րդ և 17-րդ փողոցները::

Կազմակերպվել և հաշվետվություններ են ներկայացվել վիճակագրական ծառայությանը անասնագլխաքանակի, բնակչության սեռատարիքային շարժի, բերքահավաքի և գարնանացանի տվյալների մասին: Եկամուտների, ծախսերի և աշխատավարձի մասին հաշվետվություններ են ներկայացվել Արմավիրի մարզպետարան, ամսական հաշվետվություններ են ներկայացվել հարկային տեսչություն: Կադաստրի տարածքային ստորաբաժանում է ներկայացվել շենքերի և շինությունների կառուցման և քանդման շարժի մասին:

2019 թվականի ընթացքում բնակիչներից գանձվել է 4462,7 դրամ հողի հարկ , որը կազմում է պլանայինի 84,9 % -ը, 4829,3 դրամ գույքահարկ, որը կազմում է պլանայինի 115,5 % և վարձակալական հողի վարձավճար 298,9 դրամ` պլանայինի 43,3%: Համայնքի դպրոցի և գյուղի երիտասարդության հետ համատեղ կազմակերպվել է երիտասարդական միջոցառում նվիրված Մայրության և գեղեցկության տոնին: Կազմակերպվել է նաև միջոցառում նվիրված Հայրենական մեծ պատերազմի հաղթանակի 74 ամյակին և Շուշիի ազատագրման 27 ամյակին: Կազմակերպվել է դպրոցի վերջին զանգին նվիրված, ինչպես նաև Հայաստանի Հանրապետության անկախության 28 ամյակին նվիրված միջոցառումներ:

2019 թվականի ընթացքում ստացվել և պատասխանվել է 230 գրություն: Կայացել է ավագանու 7 նիստ և քննարկվել է 30 հարց, ընդունվել է համապատասխան որոշումներ:

Համայնքն ունի 45 նպաստառու ընտանիքներ: Սոցիալապես անապահով ընտանիքներին իրենց դիմումների և ավագանու որոշմամբ տրվել է դրամական օգնություններ` 2192,0 դրամ:

2019 թվականի ընթացքում համայնքում ծնվել է 23 երեխա, արձանագրվել է 11 մահ, ամուսնացողների թիվը հասնում է 10-ի:

Ընդունվել է գյուղապետի 35 որոշում, ընդունվել է 50 դիմում, որոնք բոլորն էլ ստացել են համապատասխան լուծումներ: Համայնքի բնակչությանը տրվել է համապատասխան ուղրտի 262 տեղեկանքներ: Համայնքապետարանը աշխատավարձի պարտքեր չունի:

Գյուղում կան մի շարք հիմնախնդիրներ, որոնց վերաբերյալ կցանկանայի տեղեկացնել Ձեզ, քանզի նշված խնդիրները գյուղապետարանի միջոցներով հնարավոր չէ իրականացնել.

1. Մշակույթի տունը վերակառուցման և վերանորոգման անհրաժեշտություն ունի, բնակչությունը մշակութային միջոցառումներ չեն կարող կատարել, անգամ իր ազատ ժամանակը սովորական խաղերով անցկացնելու վայր չունի :
2. Չի գործում մանկապարտեզը՝ համապատասխան շենքային պայմանների բացակայության պատճառով, նախկին շենքը կարիք ունի հիմնանորոգման:
3. Ներտնտեսային ոռոգման ցանցը գրեթե ամբողջությամբ հողային հունով է, կորուստը մեծ է և այն հանգեցնում է գերծախսի ջրօգտագործողների արդարացի դժգոհությանը:
4. Խմելու ջրի ներքին ցանցը նույնպես անմխիթար վիճակում է ,որը վերանորոգման կարիք ունի:

Գյուղում կատարվող բոլոր երևույթները համայնքապետարանի ուշադրության կենտրոնից դուրս չեն մնում, կա սերտ կապվածություն գյուղացու և համայնքապետարանի միջև: Սիրելի համագյուղացիներ Ձեր բոլոր գրավոր և բանավոր դիմումները և խնդրանքները քննարկվում են և հնարավորության սահմաններում տրվում են համապատասխան լուծումներ:

ՀԱՄԱՅՆՔԻ ՂԵԿԱՎԱՐ:



Ս. ՄԿՐՏՉՅԱՆ